

## **Cofnodion Cyfarfod Cyngor Cymuned Llanddeiniolen 5ed Fedi 2023**

**Croeso a Gweddi** Rhoddwyd Croeso gan Y Cadeirydd, a gair o weddi gan Idris Thomas.

**Presennol** - Y Cadeirydd Jane Pierce ynghyd a'r Cynghorwyr, Ynyr Parri , Elwyn Jones, Idris Thomas, Emma Chappell, Gareth Griffiths, Phyllis Ellis a Rhian Evans-Hill

Yn Rhithiol: Elfed Wyn Williams,

Croesawyd Y Cyngorydd Berwyn Parry Jones

**Ymddiheuriadau** - Gareth Hughes, Dawn Parry, Ellen George.

**Datgan Buddiant** - Dim

### **Cofnodion Cyfarfod 4ydd Gorffennaf**

Cafwyd y Cofnodion yn gywir:

Idris Thomas (1)

Elwyn Jones (2)

### **Materion o'r Cofnodion**

**Neuadd Rhiwlas** - Yn dilyn cysylltu â'r cyfreithwyr penodol, maent bellach wedi cymryd y Gwaith yma ymlaen ar ein rhan, ac yn amlwg yn gweithredu hefyd, gan fy mod wedi derbyn llythyr gan Gofrestra Tir yn datgan eu bod wedi nod yn cyfathrebu gyda'r cyfreithiwr.

**Ymddygiad Gwrthgymdeithasol** - Nododd Elfed Williams fod y sefyllfa yma wedi distewi unwaith eto.

### **Eisteddfod Genedlaethol**

Bu i gyfraniad y plwyf ymestyn dros £8000 erbyn y diwedd. A diolch i bawb a gyfrannodd mewn unrhyw ffordd. Llongyfarchiadau hefyd i'r cynifer a fu yn llwyddiannus o'r ardal ac y gwelsom ar lwyfan y brifwyl. Mae hi wastad mor braf gweld plant, ieuenctid ac oedolion yr ardal yn cael llwyddiant aruthrol, Da iawn wir.

### **Arwydd Dim Loriau Trwm**

Mae'r arwydd yma wedi ei osod bellach yn cychwyn y lôn gwaelod Deiniolen ger Garej Arfon.

### **Lôn Bethel I Gelligyffwrdd**

Arwyddion 30 m.y.a. wedi eu gosod ac yn ymestyn nawr cyn belled â Gwynfa.

### **Biniau Marchlyn**

Mae Cyngor Gwynedd wedi cytuno o'r diwedd i osod bin yn y man yma.

## Gohebiaeth a Materion Eraill

### Mainc

#### **Bro Rhos, Bethel, Cae Chwarae Clwt y Bont a Bro Rhiwen**

Cafwyd wybod bod y fainc ym Mro Rhos angen ei atgyweirio ynghyd a Bro Rhiwen, ac mae mainc Clwt y Bont wed cael graffiti hyll wedi ei ysgrifennu arni. Byddwn o hyn ymlaen yn recordio pob graffiti fel hyn i'r heddlu.

### Rhodd

Derbyniwyd rhodd gan Mrs Mary W Jones er cof am John B Jones, a fu yn was ffyddlon drwy ei waith fel clerig i'r Cyngor am sawl blwyddyn cyn ei ymddeoliad.

#### **Ymgynghoriad Y Gwasanaeth Tân**

Mae sawl un yn bryderus am beth fydd canlyniad yr ymgynghoriad yma. Bu l'r mater ddod allan yr wythnos pan oedd y senedd yn cau am yr haf. Mae 4 safle dan fygythiad yn y gogledd: Llanberis, Cerrigydrudion, Abersoch a Biwmares. Yn amlwg, mae patrwm i hyn, sef mae eu lleoliad i gyd yng nghefn gwlad. Mae'r frigid tân yn cael eu gale i gymaint fwy o achosion brys na tân. Maent hefyd yn cael eu galw i lenwi bylchau, pan mae'r prif safleoedd yn brysur a gwasanaeth yno i gyd allan. Bydd gweld colli'r safleoedd yna yn ergyd drom i'r ardal.

### Cynllunio

Derbyniwyd y ceisiadau canlynol:

#### **C23/0657/18/LL Tir Gyferbyn â Stad Cremlyn, Bethel**

#### **Cais Cynllunio llawn i godi 30 o dai fforddiadwy gyda mynedfa Newydd, ffordd fynediad mewnol a gwaith cysylltiedig.**

Er bod Y Cyngor yn cytuno fod angen am dai i bobl leol, bydd y cyngor yn codi'r pwyntiau canlynol, sydd heb gadarnhad am ymateb penodol hyd yn hyn, a bod angen sicrwydd cefnogaeth i'r pryderon hyn:

Ysgolion - Nid oes manylion parthed amgylchiadau Ysgol Bethel yn y cais cynllunio. Mae'r ysgol eisoes yn derbyn disgyblion o'r Felinheli yn Dilyn adeiladu yno, a'r ysgol yn llawn. Nid yn unig llefydd gweigion sydd angen ei ystyri, ond mae angen hefyd ystyriaeth i ble mae'r bylchau ar draws ddosbarthiadau'r ysgol. Ee - gall gorlifiad o un oedran, a'r dosbarth yn llawn yn barod chwalu trafndiaeth yr ysgol am sawl blwyddyn.

Gwarchod Y Gymraeg yn yr Ysgol a'r pentref.

Carffosiaeth - Mae rhannau o Fethel yn gorlifo, ac mae'r sefyllfa yn gwaethygu. Ydi hyn yn mynd i fod yn ofid arall yn yr ardal?

Lleiniau Hamdden - Nid yw'r cais yn esbonio ynglŷn â'r ddarpariaeth i ofalu wedi cwblhau. Oes botensial i'r ardal yma ar y cynllun droi yn ganolbwynt ymddygiad gwrthgymdeithasol.

Pârc Chwarae - Gan nad oes parc chwarae ar y safle, mae plant o'r stad yn mynd i orfod croesi ffordd beryglus, brysur i fynd i'r parc. Tybed o oes ystyried wedi ei roi i fan croesi penodol yn yr ardal yma?

### **Llwybrau**

**Llwybr o Gapel Glasgoed** - Falch dweud fod y giât a chychwyn y llwybr wedi ei glirio at y caeau erbyn hyn a bod modd yn hawdd ei gerdded.

**Lon Garret** - Mae'r ffens a'r giât ar fynediad i'r chwarel ar y lôn yma wedi cael eu hail osod.

Llwybr Lôn Uchaf - Nid yw'r Cyngor Sir byth wedi llenwi'r tyllau yma a gytunwyd rhai misoedd yn ôl.

### **O Gwmpas y Bwrdd**

Lôn Racca I Benisa'r-waun - Bydd cyflymdra yn cael ei arafu lawr I 30mya - ac yna 20mya wrth ddod i mewn o'r hen gartref nyrsio.

### **Caban Brynrefail**

Dyweddodd Y Cynghorydd Berwyn Parry Jones bod trafodaethau yn cychwyn ynglyn a cael estyniad i'r prydles nawr.

### **Cadarnhau Taliadau:**

649 - £143.88

650 - £116.35.